

18.
19

SATYRÆ
MEDICÆ,
CONTINUATIO XI.
DE GALLICO
PLANCHET-
TE

2 V 4 M
DISPUTATIONE ORDINARIA
DEO JUVANTE
IN CELEBERRIMA ELECTORALI
HEIDELBERGENSI

P R Æ S I D E
DN. GEORGIO FRANCO,
MED. AC PHIL. DOCT. ET PROF. P. ORD.
FAC. DECANO ET ACADEMICO
CURIOSO.

Jatrophilis exhibet
*Ad Diem 27. Decembr. clō lōc LXXVI. horis antemerid.
In Brabeuter. Univers.*

JOHAN. JACOBUS MARTINI
HEIDELBERGA PALATINUS.

HEIDELBERGÆ,
Typis, SAMUELIS AMMONII, ACAD. Typog.



B. C. D.

§. 1.



Ixeram equidem pronuper, quæ poteram cumque, ex principiis Medicis atque Physicis, ut liberarem ab objectionibus & calumniis non raro, quibus oneratur Sexus muliebris. Non autem abs me obtinere possum, ut præter veritatem illi quidquam adblandiar, quin potius in nobilioribus tam perditum istum morem, quo thoracem velut cataphractæ juvencæ sibi adaptant, ineptæ sanè in sanitate custodienda.

§. 2. Ene quidquam blandiori desit *Βαρανομή*; cataphractariæ insuper quasi obice pectus claudunt, quem Gallica Lingva (siquidem & Latium, & Græcia, & optima nostra vernacula ignoraverunt, & quidem satis laudabiliter) vocant PLANCHETTE. Gallis enim la planche est asser; inde Diminutiv: planchette; id est asserculus. Nim. hæc instrumenta sunt quasi asserculi modici, ut COLUMELLÆ verbis utar; quamvis & assercula neut. gen. dixerit CATO de R.R. c. 12.

§. 3. Hac voce Planchette Galli nostratesque Gallizantes intelligunt instrumentum vel ex materia lignea, vel eburnea; vel cornea, vel ferrea, vel ossea, vel alia paullo rigidiore (eaque vel simpliciore, vel superinducto corio variis figuris exornata) constans, longitudine f. 6. præter propter palmarum, latitudine fere pollicis, & infra medium aliquantillum recurvatum, ac a pylori regione, sub thoracis medio, sursum versus intrusum; quo ventri faciat *περιπέρασμα*, mammillas reclives thoracemque erectiorem, indeque speciosiore; atque ventrem compressiorem.

§. 4. Verum

Frigidus, o Bellæ, fugite hinc, latet angvis in herba.
Externum quæritis decorem, internam, eamque meliorem perditis salutem. Hoc idem mihi causæ satis superque fuit; instrumenti hujus noxam paucis delineare; siquidem merito refertur inter causas morborum, adeoque ad res p. n. Et ne sine teste litem faciam meam, audite Reip. Medicæ egregios Il viros.

§. 5. In acie colloco felicem illum Felicem PLATERUM, qui Prax. Med. rom. 3. l. 2. c. 3. p. m. 537. ita inquit: Flatus si ventriculo intestinisve inclusi retineantur, nec exitum inveniunt, discurrando per horum cavitates & ductus, murmura rugitusque in abdomine edunt, circa sinistrum maxime hypochondrium, si in ventriculo, vel illi substrato & adnexo intestino colo coërceantur, cum hæ partes ad hanc sedem potissimum occupent (quod tamen causa lienis, qui flatibus impleri nequit, communiter putant accidere) vel etiam in alia ventris regione hi rugitus audiuntur, si alibi intestinis inclusi sint, maximeque circa umbilicam, propter tenuium illic intestinorum convolutionem. Quorum flatuum causas in varis ventris & intestinorum affectibus exposuimus. NB. Inter quas & coarctatio hypochondriorum in Virginibus, quam vestibus arde strictis, quo graciles appareant, sibi conciliant, existit; sic namque flatus coacti murmura illic edunt, & ut turpiter se sape dent, occasionem frequenter præbent.

§. 6. Sed longe clariora sunt verba eruditissimi, & in Praxi Medica versatissimi Viri Wvolfg. HÆFERI, Medici Cæsar. dignissimi, quæ in ejus Hercul. Med. l. 3. c. 1. p. m. 134. se ita habent: Exemplum illustrissimæ Virginis Alexandra Spinola, vomitum post quamlibet cibationem patientis, medicationem tamen ferentis, satis rarum, per modum consultationis describit Barthol. THURRIANUS in Buliatria f. 270. (Nim. locus est l. 4. c. 10. p. m. 274) ubi symptoma hoc non ventriculo, sed utero adscribit & scirrhus penes ventriculum, ex retentione quinquennali mensium, & cumulatione plurimorum excrementorum, nec non NB. gestationi alicujus ligni vel Cornu, Gallice Planchette, contracto, quo nostra Nobiles mulieres etiam hoc tempore non sine dispendio valetudinis, ut erectæ incedentes superbiunt, utuntur. Sic enim non solum ventriculum comprimunt, sed & pectus coarctant, atque respirationem impediunt, & sic evadunt cachecticæ & flatuosæ; unde audimus, ap. juvenculas imprimis, sæpius regurgitantes flatus circa has partes, quas vel per præ-

dictum instrumentum, vel per angusta vestimenta comprimunt, quasi ranae
coaxantes subitus absconderent.

§. 7. His probe pensitatis non possum non & meum adjicere
calculus album in re nigerrima. Siquidem ista constrictione justo
duriore, non solum costæ, earumque muscoli (quippe pulmonum
& cordis promontoria, interim & respirationis adjumenta) strictius
comprimuntur, unde respirationis vel imminutio (quod sæpius) vel
depravatio. Inde & minor, immo peior sanguinis & per pulmones
circulatio, & ventilatio, & (pace Celsi, Medicorum Ciceronis, hanc
vocem dixerò!) spirituescentia sive πνευματώσις.

§. 8. Nec satis malorum! Comprimitur diaphragma, compri-
muntur vasa sangvinea vicina, subsistit ita alicubi sanguis, hinc com-
munia vitiatæ circulationis vitia, nempe hypochondriaca, cachecti-
ca, flatulenta, chlorotica, & si qua sunt plura alia.

§. 9. Nim. ipsa radix vitiorum inde & propullulat & fove-
tur, quando compresso ventriculo; ejusque potiore orificio puta dex-
tro sive inferiore, vel πύλιν impeditur, vel depravatur; vel ἡ τῆς χυλώ-
σεως διέλευσις moram trahere cogitur; unde iterum βορβορυγμοί, ructus
acidi, rugitus & ventris murmura, anorexia, pica, atrophia &
sexcenta alia.

§. 10. Et ne meris Theoreticorum videar inhæsisse opinioni-
bus, utut saniore ratione satis suffultis, en, præter infinita alia quo-
tidiana, unicum. Virgo Nobilissima 23. ann. præter propter,
sangvineo-cholerica, eodem, quem supra satis depinxi, utitur vesti-
tu. Quoties repagula ista thoracis, relaxata ligula, remonentur,
toties illa post magnum stridorem cogitur edere ejulatum ὀλιγοχρό-
νιον quidem, sed quem evitare, ἀδύνατον est. Illa qq. interim cum
adversa valetudine satis superque conflictatur; cujus
rei non auritus, sed oculatus usque
testis sum.

F I N I S.

